



00690

00690

世尚書  
奉高十  
卯

宣統元年己卯十一月開  
雕二季庚戌十二日榮成

毛尙書奏議序

同治二年厯城尙書毛公總制吾粵時先大夫佐公幕府司章奏是歲

學華

始生稍長卽識公名今忽忽四十

餘年矣公子稚雲觀察舉光緒戊子鄉薦與

學華

有齊

年之誼比來濟南因得訂交過從話舊出尙書奏議若

干卷見示

學華

譚陋何足以知公顧嘗讀中興名臣奏

議於公奏陳湖南募勇之弊及緩裁釐金兩疏竊歎其選將以治兵而不徇時俗之見理財以濟用而不持矯激之論老成謀國用心良苦今所刊奏議數百篇自軍興以來規畫遠大至其慮事之詳知人之哲往往事後

序

一

而益見當是時洪楊構亂擾攘十餘年蹂躪半天下雖以曾胡之賢運籌於帷幄多鮑之勇効命於疆場而一時封疆大臣苟非有洞達時勢深明治體者同心戮力左右其間則其難未易平也咸同至今垂五十年世運之遷流人才之升降盱衡俯仰殆不忍言而兵力寢弱財用益匱遂爲吾國之大患聰明才智之士挾其一得銳欲有所表見以更張庶政士大夫希聲附和靡然從風而反是則又欲閉關自守一切因循處強敵爭雄之世而苟安於無事非所以爲國家謀治安也安得如公者因時而損益之折衷於至當以通其變而濟其窮庶

幾補救萬一乎讀公奏議不禁舉然而望也公督粵之  
明年以微眚去官未竟其用其所建白具於茲編至於  
立朝風節居官勛業備詳史乘不復贅焉

宣統二年季夏年家子張學華謹序

序

二

毛尚書奏議序

大司馬厯城毛公之奏議凡若干篇公子稚雲觀察所編輯曰諫垣存稿曰團練存稿曰撫湘疏稿曰督粵疏稿觀察使張公既爲之序矣葆田嘗表公墓敘公居官大節而特惜公之未竟其用而因益歎

文宗顯

皇帝之聽言納諫知人善任用能不數年間削平寇亂蔚成中興之業一時封疆大臣如公之進思盡忠非他人所能企及使後世不見公文烏知爲主聖臣直千載不易逢之遭遇哉公由翰林起家改御史轉給事中值粵匪犯湖南因奏請簡重臣分駐武昌襄陽以固藩籬

序

文宗躋其議咸豐三年

特命公回籍籌

辦團練公嘗疏劾統兵大員玩寇糜帑朝野咸以爲當公與曾文正公相知最深文正謂公在諫垣所陳皆關繫天下安危胡文忠公見公疏亦謂使任天下事天下之民其有所託乎及公簡授安襄鄖荆道文忠於薦賢疏內稱其好善嫉惡秉心公正旋擢安徽按察使江蘇布政使咸豐十一年遂有巡撫湖南之

命蓋

文宗之知公者深矣而公亦力圖報稱所至必統籌全局於鄰省請兵請餉無不悉索以應又於其閒遣將出師協平寇患收復鄰邑今見於奏議中者詳矣同

治二年陞任兩廣總督明年金陵克復論者謂粵匪之  
平公雖未身歷行閒然規畫贊助公實與有力焉左文  
襄之初出也公疏稱其識畧過人材力不在曾胡二公  
之下畀以重任必能保境安民又嘗疏稱前撫臣張亮  
基駱秉章於吏治軍務皆能實力講求故所得人才爲  
多蓋公之言其大者如此當是時疆臣皆以將才爲重  
公獨疏謂得名將不過收戰陣之功得賢督撫斯能造  
封疆之福故於督粵時嘗劾罷巡撫及布政使之不職  
者公論事不避嫌怨 朝廷每有諮訪無不詳細條陳  
遇事有不可則必力爭弗止以是受 聖主知遇

序

二

而亦不能無見忌於同時諸臣金陵既復南方大定公  
念江浙餘匪未靖因疏言江西南路與閩粵交界無防  
兵請 敕曾國藩等籌守南贛與籌防粵匪初犯湖北  
一疏規畫相似其慮事精詳如此乃未幾以微眚去官  
而賢如曾文正諸公亦莫能保薦其復出此世所同聲  
歎惜者也始公在翰林時不逐時趨無聲色之好生平  
雖不講學然必致慎於幽獨服官日久人或有不諛之  
言公一不介懷曰吾處心行事可質天地鬼神何憂人  
言公奏議獨出手裁不假幕僚手其在兩粵有與巡撫  
會奏者今或見他人集中皆非事實至公所保薦文武

人才具詳陸君心源所撰神道碑與葆田表墓文內而  
原疏或不盡傳則稚雲觀察尙擬爲續輯補刻云曾子  
固范貫之奏議序云後世得公之遺文而論其世見其  
上下之際相成如此必將低回感慕則公言之不沒豈  
獨見其志所以明先帝之盛德於無窮也葆田序公奏  
議獨有感於  
文宗顯皇帝之知人善任與公之  
進思盡忠嗚乎豈非其遭遇有時與  
宣統庚戌冬十月榮成孫葆田謹序

諫垣疏稿弁言

咸豐三年賊陷金陵

皇上命各省臣工辦理本

籍團練凡在內曾任尙侍在外曾任督撫以至七八品

官素著鄉望者皆令襄治團練前後奉

旨飭派者

不下百餘人而應

詔出而治事者寥寥無幾惟

呂鶴田侍郎在安徽

國藩

在湖南

毛寄雲同年在山

東毅然自任落落相望厥後鶴田因大吏遇事掣肘發

憤赴敵慷慨殉難余與

寄雲同年勉力支撐艱難困

頓僅而獲全古人所謂如痛定之人思當痛之時心有

餘悸矣九年己未十月

寄雲訪余於巴河軍次出示

奏稿

弁言

歷年疏稿讀之爲參欬者竟日稿中又有昔在臺諫諸

疏條陳時政彈擊權貴皆切中事理關繫天下安危以

救焚拯溺之心而出以金和玉節之度洵足爲諫垣儀

式讀畢爲識於簡末以篤不忘

年愚弟曾國藩

寄雲兄鎮襄陽已三年政績卓著吏畏民懷昨訪余於

黃州軍中出示臺諫奏議正大之情和平之音可爲鳳

凰一鳴欣誦驩慰不能自己公所論事理極平實如咸

豐二年八月所陳楚粵會匪一疏四年閏七月所陳帥

臣玩寇糜帑縱兵害民一疏正色立朝忠盡篤棊所言



繫天下安危蓋二百年來第一篇文字也公必任天下  
事天下之民命其有託乎書此以誌敬愛之忱

己未孟冬胡林翼謹誌

論事必提其要立言必暢其旨要行其忠 君愛國之  
心發露於不自知胡文忠公標舉二疏以爲二百年未  
有之文可爲知言 嵩壽 尤服膺首二疏推陳致亂之源

吏治民情洞中痼結當時早辨及此天下之亂其猶可  
弭凡爲疏十餘先事有慮患之明臨事有敢言之勇有  
任事之畧伏讀以思益知不朽之業具有淵源經世宏  
務實基於此天下安危之寄斯文顯晦之機其猶有所

奏稿 弁言

二

望與

同治元年六月郭嵩燾謹誌

毛尙書奏稿

編校姓氏

榮成孫葆田

番禺張學華

昆明蕭應椿

平遠丁道津

大荔黃華

錢塘韓壽椿

無錫楊錫珍

卽墨黃象駁

編校 姓氏

武城韓鏡蓉

膠州趙文運

膠州高振崇

高密傅丙鑑

高密單朋錫

歷城李福鑾

歷城嚴毅

男承霖敬刊

孫熙震 姪熙謙 曾孫毓盞恭錄

外孫林廷標 孫肇煊 參校

毛尚書奏稿總目

卷一 諫垣存稿

山東盜賊充斥請迅速勦捕摺

請 飭永禁流攤名目摺

密陳登萊海盜情形片

楚粵會匪未平宜通籌全局摺

請密查向榮等片

請明憲典以振 國威摺

請嚴伸 國典以振軍威摺

請實授大吏以專責任片

奏稿 總目

請密 飭山東撫臣實行團練片

卷二 團練存稿

恭報到籍日期摺

黃河兩岸宜嚴加防守片

請以李湘棻等幫同防河片

縷陳現辦團練情形摺

酌提捐輸經費暫濟軍需摺

調在籍紳士辦理捐輸團練片

備陳防堵情形摺

勸辦捐輸及借款歸款片

特參帥臣玩寇糜帑摺

陞任安徽臬司謝 恩摺

陞任江蘇藩司謝 恩摺

卷三 撫湘疏稿

署湘撫謝 恩摺

恭報接印日期謝 恩摺

附陳地方大概情形片

調吳嗣仲等差遣片

仍留裕麟署理藩司片

請展緩舉行鄉試摺

奏稿 總目

南路肅清調江忠義會勦江鄂摺

湖南兵勇團練出境擊賊連復五城摺

特參縱兵滋事遊擊摺

西南兩路喫緊現籌防勦情形摺

通籌東南大局摺

瀏陽等縣邊界戒嚴現飭各營防勦摺

飭江忠義一軍籌防南路摺

特參聲名平常道員摺

補授巡撫謝 恩摺

籌辦三面防勦摺

彙保釐金鹽茶兩局出力官紳摺

請開復岳州府丁寶楨頂翎片

縷陳督兵大員奏報不實摺

奉撥浙餉勢難籌解摺

湖南捐輸章程量爲變通摺

卷四 撫湘疏稿

分籌防勦石逆摺

暫留江忠義統兵片

調丁寶楨補長沙府摺

縷陳軍務情形並暫停協餉摺

奏稿 總目

請補省會道員缺摺

縷陳招勇流弊摺

勦辦石逆獲勝並防來鳳股匪摺

截勦石逆並通籌防勦摺

酌借銀兩興築堤坑摺

覆陳湖南現辦軍務情形摺

請擇員紳募練鄉勇片

議覆侍郎宋晉五省會勦摺

遵 旨覆奏摺

保暉世臨片

借動漕折銀兩濟餉摺

委劉國斌招募水師片

卷五 撫湘疏稿

籌議內江洋稅章程摺

內江洋稅宜派員稽查片

官軍追勦石逆獲勝分路截擊摺

越境克復來鳳縣城片

請仍將辰關改回辰州並添子關摺

派兵出境追勦石逆分催赴浙赴皖各營起程摺

湖南茶葉落地稅請照通商條款徵收子稅摺

奏稿 總目

四

徵收聶家市茶箱子稅片

分別酌減捐輸章程摺

協濟皖省水陸各營軍餉片

動支地丁接濟防勦經費摺

奏陳現辦防勦情形摺

卷六 撫湘疏稿

遵 旨覆奏摺

借運粵鹽濟餉片

請舉行鄉試摺

分防黔粵土匪並派兵援勦摺

調兵防勦黔粵股匪摺

開採礮礮以濟軍火摺

請補苗疆道缺摺

越境援勦黔匪並辦理恭城土匪摺

肅清恭城土匪及防勦各匪摺

拏辦各屬會匪並嚴查回籍勇丁片

湖南漕糧勢難徵解本色摺

協濟浙江軍餉陸續籌發摺

派兵出境援勦黔粵股匪摺

卷七 撫湘疏稿

奏稿 總目

五

防勦黔匪獲勝出境籌辦粵匪摺

趙深彥殉父奏請 旌獎片

連破黔匪賊巢克復天柱邛水等城摺

飭陳鳴志應援楚粵邊界片

遵 旨覆奏摺

越境攻克漢寨老巢籌畫調遣情形摺

遵 旨奏陳各路防堵情形摺

酌保拏獲土匪出力官紳片

越境克復廣西修仁縣並肅清黔省張家寨摺

湖南募勇援助皖營片

卷八 撫湘疏稿

遵 旨覆奏請留江忠義暫緩赴黔摺

擬請沈宏富接統黔軍片

覈議法國公使條款摺

楚師援粵克復老縣摺

調周達武回湘防堵片

攻克桂嶺大榕賊巢片

仍留惲世臨總理釐金等局片

籌畫赴東將弁摺

拏辦土匪侯潰隴等片

奏稿 總目

梅朝龍侵盜餉銀請 旨正法片

楚師援粵連破蓮塘卡隘摺

各屬拏獲土匪請獎出力官紳片

卷九 撫湘疏稿

湖南奉撥京餉籌畫情形摺

通籌大局輕重緩急情形摺

保湯修朱孫詒片

湖南釐金仍照舊章辦理摺

派兵援勦黔省苗教各匪摺

奉撥陝省軍餉無力籌解摺



恭報山東臬司帶勇起程并調員差遣摺

勦辦芷江辰溪各匪獲勝摺

續獲會匪片

採辦京米暫難籌辦摺

遵旨覆陳仍請江忠義就近援江摺

各營官兵俸餉欠成籌放摺

請飭戶部仍免提還協餉片

卷十 撫湘疏稿

辰沅逸匪逃匿寶慶起事調兵進勦摺

拏辦益陽青龍會匪情形片

奏稿 總目

勦辦土匪防勦黔匪情形摺

陞授兩廣總督謝恩摺

縷陳訪聞粵東情形摺

續議查辦報銷章程摺

勦滅寶慶土匪籌辦善後摺

謹陳料理成行籌辦情形片

密陳新聞紙流弊片

請保省城軍需團防兩局官紳片

敬陳管見摺

請賞郭崑燾三品卿銜花翎片

調黃冕胡大任辦理廣東釐務片

恭報起程赴粵摺

卷十一 督粵疏稿

接粵督篆謝 恩摺

籌添礮船緝私片

庫款支絀情形片

官軍疊破高州賊隘匪黨斬獻首逆投誠摺

飭楚軍暫紮郴宜聽候調遣片

收復信宜縣城解散匪黨摺

變通辦理盜案片

奏稿 總目

容縣岑溪先後收復片

檄飭楚軍防勦連陽竄匪片

請錄用丁曰昌片

粵海關例解銀兩力難批解摺

瀝陳廣東釐務情形摺

鎮江協餉無可籌解摺

解散難民擒獲逆首范亞音片

擒獲石逆餘黨李復猷等正法摺

頒賜 御製詩文全集謝 恩摺

仍撥鹽課補放欠餉摺

官軍攻勦三山土匪獲勝摺

拏獲汀延土匪李阿四解閩懲辦片

留方耀勦辦陽春客匪片

卷十二 督粵疏稿

官軍攻勦三山賊巢生擒首逆摺

派員巡緝洋盜片

追勦陽春客匪獲勝摺

欽奉 寄諭密陳擬辦情形摺

官軍追勦陽春縣客匪生擒首逆摺

留張運蘭在粵防勦各匪片

奏稿 總目

頒賜福字謝 恩摺

飭知府吳贊誠等辦理沿邊團練片

擒獲菱角塘首逆北江一路肅清摺

遵 旨飭張運蘭拔營赴閩摺

請優卹總兵文恆久片

陸續拏獲洋面盜匪片

憑陳度支艱窘請緩解協撥各餉摺

卷十三 督粵疏稿

開設教習外國語言文字學館摺

截支法國教練洋槍弁兵經費摺

挑選旗員訓練陣法片

進勦客匪餘匪竄入五坑籌辦情形摺

飭總兵任星元統領礮船巡防片

請獎擒斬土匪陳仰古等出力官紳片

飭查客匪戴梓潰下落並籌攻勦摺

密保總兵卓興片

籌辦邊防並飭拏溫凌兩姓械鬪片

派兵嚴守贛南防賊竄粵片

辦理盜犯有須變通例文摺

遵旨覆陳廣東大概情形摺

奏稿 總目

拏辦匪首溫亞喬等片

卷十四 督粵疏稿

籌辦防勦江西竄賊摺

截留京餉以供軍需片

飭臬司督兵出省防勦東路摺

查明客匪戴梓潰下落片

請留七成釐金充餉片

副將方耀暫行革職片

奏保鄭紹忠都司花翎片

密陳粵東情形請飭鄰省會勦竄賊片

詳陳抽釐濟餉源流利弊摺

廣東現辦釐捐情形片

派兵赴閩會勦摺

請飭鮑超追勦竄匪片

續解京餉並留釐金全數供支軍用摺

卷十五 督粵疏稿

官軍飛援大埔越境克復福建武平等城摺

逆衆撲犯饒埔各境官軍迎擊獲勝摺

覆陳嘉應州並未失守片

擒獲客匪首逆戴梓潰餘衆求撫摺

奏稿 總目

十一

拏獲各屬土匪請獎出力官紳片

修復附省陸路礮臺工竣摺

粵商積欠帑銀請准停息歸本摺

奏留廣西提督馮子材督辦東江軍務片

前後勸辦富商捐輸情形片

官軍赴援詔安進逼雲霄摺

紅單師船欠餉報捐請加廣鄉試中額摺

拏獲新安縣屬海盜片

官軍越境進規雲霄平和各城獲勝摺

派兵防勦岑溪股匪片

卷十六 督粵疏稿

官軍越境克復永定縣城摺

酌保督修附城礮臺出力人員摺

閩臬張運蘭追賊遇害懇 恩優卹摺

官軍進逼雲霄苦戰獲勝摺

越境攻克筋竹墟賊巢片

詳陳克復永定情形請獎參將林保片

安插就撫客民並土人先抗後遵情形摺

陸路提督患病懇 恩賞假摺

拏獲土匪李可鍾等正法片

奏稿 總目

遵 旨敬陳管見摺

三

敬陳額兵流弊片

官軍越境獲勝潮防仍形喫緊摺

請改派馮子材督辦信宜羅定軍務片

派兵駐東興防堵越南亂匪片

進勦橫州匪首孫義大片

化州官紳殲勦廣西竄匪片

羅定官軍攻克古眉大墟等處賊巢片

臬司李福泰截擊竄匪請獎將弁片

密陳預籌辦理交涉片

調卓興防堵東江片

特保疊著勞績賢員摺

恭報交卸日期謝 恩摺

右 先尚書公奏稿經 先長兄薌林先生手

自編輯藏之篋笥久謀付諸手民遽以丁未冬

遭疾逝世 霖復受而藏之伏念 先公敷歷中

外文治武功與中興諸將帥相埒生平事蹟見

於奏疏者爲多不亟刊以問世非惟 先公勛

業久而就湮而吾兄繼述之志亦不能稍慰九

原罪孰甚焉爰於戊申秋敬錄副本擇其最關

奏稿 總目

三

要政者重加釐訂分爲十有六卷 先公在臺

諫時直言極諫不避權貴而疏草往往不存卽

存矣亦多缺而不全今所錄者不過數章耳又

督粵任內與巡撫郭公會奏各疏有已爲郭集

所刻者然皆由 先公主稿茲仍刊錄以存其

實於宣統二年庚戌冬十二月刻旣成謹記歲

月於卷末追憶 父兄遺澤蓋不禁泣然已次

男承霖敬識

毛尚書奏稿

卷之一目錄

山東盜賊充斥請迅速勦捕摺

請飭永禁流攤名目摺

密陳登萊海盜情形片

楚粵會匪未平宜通籌全局摺

請密查向榮等片

請明憲典以振國威摺

請嚴伸國典以振軍威摺

請實授大吏以專責任片

奏稿卷一 目錄

請密飭山東撫臣實行團練片



山東盜賊充斥請迅速勦捕摺

道光二十七年  
八月十八日

奏爲山東盜賊充斥請

旨嚴飭撫臣督率鎮道迅速勦捕以弭亂源而安民命  
仰祈

聖鑒事竊查山東地方界連直隸河南江蘇等省河漕  
鹽驛水陸交衝最爲扼要之區西南兩路向設鎮將巡  
道各二員聲勢聯絡原足以資控馭迺近日兗沂曹東  
泰五府及濟甯臨清二州盜賊公行肆無忌憚訪求其  
故皆由大吏粉飾偷安而鎮道又不能督率屬僚認真  
懲辦州縣官拘於畛域動多掣肘又因冀圖規避處分

奏稿卷一

一

每遇截劫重案其事主有勢位者類以賄賊銷案而懦  
弱平民則勒令改搶爲竊延擱不究卽赴郡省上控亦  
率擲詞不收加之威嚇通省大小官吏習爲固然於是  
蠹役庇匪分肥汎兵受賄通氣以致賊燄日熾愍不畏  
法向之三五爲羣者今且衆聚數百矣向之宵夜行竊  
者今且白晝肆掠矣其黨徒則有擒匪幅匪掖匪教匪  
之別其頭目則有仁義王順天王黑王四爺之號擅戴  
紅頂藍頂花翎並有黃馬褂者其器械則長矛鳥槍擡  
礮之俱備其搶劫之案若在平縣之南關錢鋪若舊縣  
鎮之武舉公車若東阿縣之鹽垣又若嶧縣之臺莊勝

縣之臨城驛南北沙河以及泰安府之肥城縣平陰縣或搶鋪戶或掠居民或劫行旅層見疊出筆不勝書其尤甚者有如東平州之沙河站自晨及夕連劫十餘家道路爲之梗塞又滕縣之禮七堡有殺死事主之案又魚台縣之南陽鎮擡槍大礮一日搜劫十三家鄒縣之兩城集搶去商人火烤勒贖索銀八百兩並要地方官憑同交銀又甯陽縣境拒殺知縣之內戚而該縣反捏報家丁墜馬自斃則又駭人耳目者也伏查山東爲畿輔藩籬非若邊鄙曠闊足以容奸年穀縱不順成又非積年荒歉全無蓋藏何遽盜劫公行至於此極聞賊衆

奏稿卷一

二

所劫之金銀衣服隨時俵分其錢貨米糧累重之物則飛灑道路號召貧民收取名曰放賑以故易於煽惑而從之者日益衆又聞賊每到典鋪先儘搜括兵刃鐵器其居心尤爲叵測及今圖之已屬不易若再意圖消弭致令各路匪類勾結連合其害誠有不可勝言者夫州縣官身膺民社豈無幹濟有爲天良未泯之人武弁練習有素又豈乏折衝禦侮之才而顧覆轍相尋以聽賊之豕突狼奔而莫敢誰何無他格於勢誥於力限於方域憚於考成乃相率而趨於因循消弭之一術此非該員等之盡不足用乃大吏之所以督率而振勵之者無

其術也近聞撫臣非不派兵協緝而賊勢曾不少減者  
虛張聲勢未嘗專有責成耳臣嘗稽考史冊見宋臣歐  
陽修議遏盜四事深明體要就論山左時勢尤爲切中  
爰采其說參以時宜謹擬四條敬爲我

皇上陳之一曰州郡置兵爲備查今之鎮道權侔宋之  
州郡兗曹二鎮與臨沂州二協馬步守兵五千有奇  
加以州縣捕役壯勇在在不乏誠使協力同心認真督  
率則扼其要害偵其蹤跡來則兜擒去則跟捕以逸待  
勞以主制客無俟徵調客兵徒糜糧餉而盜賊已悉數  
就擒矣一曰遴捕盜之官盜不畏官知官之不能捕盜

奏稿卷一

三

也官之不能捕盜者雖有汛捕營兵而皆與盜通官之  
能捕盜者猶是通盜之汛捕營兵而皆爲官用今責成  
該鎮道等察看所屬員弁有闕茸不職者隨時揭參另  
以精明強幹者代之則任用當而捕務可期整頓矣一  
曰明賞罰之法盜賊方起官弁知盜之當捕而慮獲處  
分大吏亦知盜之當捕而慮恐激變遇有劫掠之案州  
縣則曰吾已上大府矣申牒到院大吏則曰吾已飭有  
司嚴緝矣簿書了事未有以實心行實政者而鎮道反  
中處其間茫然不問此皆賞罰不明人不畏法之故今  
試嚴定捕盜章程但有何處被盜何汛失事何處諱盜

縱賊官弁黜無赦其有奮勇出力者重賞亦如之而皆責成鎮道據實舉劾有袒護屬員顛預了事者罪維均朝廷以賞罰督疆吏疆吏以賞罰督鎮道鎮道以賞罰督守令將弁守令將弁以賞罰督兵役一賞而人知勸一罰而人知懼如是而官弁震厲兵役奮盜賊戢矣一曰用良吏以撫疲民使不起爲盜充沂等屬盜賊出沒百姓已疲於奔命矣若復困之以賦歛苛之以刑法擾之以驕兵蠹役待哺者嗷嗷怨望者藉藉是驅耰鉏之民而相率爲盜耳夫鎮道保障一方屬吏之中孰優孰劣其聞見必確而有據誠使公正居心劾貪鄙之官任循良之吏俾得撫綏戶口拯卹流離嚴遊民之禁以杜奸萌寬文法之網以安反側如是而平民勸亂民懼盜猶誘民民猶爲盜者未之有也以上四條責鎮兵堵捕以重汛地遴幹員嚴緝以專責成明賞罰以振勵人心議拊循以安慰黎庶上下無欺蒙之弊文武無推諉之習庶乎遏賊之勢清盜之源道路日就肅清而閭閻得以安謐矣臣籍隸山東所聞較確披瀝上陳是否有當伏乞

皇上聖鑒謹

奏

請

飭永禁流攤名目摺

道光二十九年四月初七日

奏爲現辦清查請通飭各省永禁流攤名目以重帑項而杜弊端仰祈

聖鑒事竊維州縣錢糧絲粒皆關

國帑豈容巧立名目影射侵欺近來外省虧空多案交代轆轤其間弊竇百出而前後任之敢於通融與該管官之得以瞻徇尤莫甚於流攤之一術流攤者擅挪正款假託因公分任分年以次攤賠者也如修理工程承辦差使之類率稱例價不敷獨力難辦每詳請府州立案預爲分攤地步及交卸之日又商同監盤說合私立

奏稿卷一

五

議單統歸本缺遞年攤認有所用本少浮開數倍以爲攤者有並無墊項捏造款目以爲攤者有虧空太多恐干重咎提出數條歸入交盤以爲攤者彼接任人員不肯自投陷穽顧或懾於上官之抑勒礙於同事之調停且明知流攤有案可援遂亦甘心接受比應攤之款未能交出分毫續至之虧又復踵而增益始也以人累缺繼而缺且累人雖有賢員亦皆坐困爲大吏者初意或因其人官聲尙好曲示保全或爲其缺賠累有因亟思調劑而不肖者轉援爲口實逞其做虧空之私智動以顧大局之浮詞展轉效尤遂致不可收拾斯時欲懲治

則罹法者衆欲消彌則受病益深不得已姑以有故去任之員一參塞責而億萬帑金胥歸無著矣臣閱邸鈔見捐納知府前任陽信縣知縣張元祥於捐陞離省之後查出虧空由前任撫臣請入流攤經部臣駁飭勒追又山東已降通判前任濮州知州史翰捏造攤款經現任撫臣奏參審辦各在案可見流攤一項實爲外省取巧諱貪之大弊山東一省如此他省可知臣愚以爲流攤之弊一日不除虧空之案一日不止現奉

特旨辦理清查所有各省積虧無難和盤託出正當趁此畫清界限嚴加釐剔應請

奏稿卷一

六

敕下各省督撫認真查核務將流攤名目永遠禁革此外如私具欠券虛報庫存及流支流抵等弊亦皆外省相沿陋習亟應一併飭禁庶影射者無所藏身侵欺者立卽破案庫款不至虛懸而清查益昭核實矣臣愚昧之見是否有當伏乞

皇上聖鑒謹

奏

密陳登萊海盜情形片

道光二十九年  
四月初七日

再山東登萊洋汎係南北海疆咽喉要區上年屢有盜匪在石島煙臺各島嶼盤踞四五月之久截劫商人柳同興黃裕隆等船隻五十餘起繼復登岸搶掠村鎮文武各官彼此推諉觀望並不實力兜拏縱令飽掠颺去查此等盜匪多係漳泉等處積猾冬令北風嚴寒紛散回籍春夏之交仍來近洋嘯聚風聞現在甯海一帶復肆蠢動若不及早痛行懲辦儻滋巨案於海疆大有關係謹附片密陳伏乞

聖鑒謹

奏

奏稿卷一

七

楚粵會匪未平宜通籌全局摺咸豐二年八月二十六日

奏為楚粵會匪未平亟宜通籌全局以靖寇氛而安民

命仰祈

聖鑒事竊維我

朝以文治光天下以武功定太平軍威之盛從古未有

二百年來如除三藩平準部金川回疆悉隸版圖其跳

梁內地者如川陝教匪滑縣逆孽莫不立就蕩平

天戈所指戰無不捷攻無不克蓋必選將勵兵講求於

平日而後殺敵致果收效於臨時也粵西會匪洪秀全

等以狂悖之夫搆黨煽亂竊西洋天主教改名添弟會

奏稿卷一

八

以惑愚民非有奇技異能也迺自前撫臣鄭祖琛粉飾

彌縫養癰貽患林則徐中途病歿嗣後如李星沅之懦

弱無能周天爵之剛愎自用以致事機屢挫賊勢益張

大學士賽尙阿以

朝廷重臣秉鉞臨戎調兵不為不多籌餉不為不厚自

上年六月到粵賊即竄出中坪入紫荆山是先聲所至

軍威未嘗不振厥後烏蘭泰以一軍軍賊之前向榮以

一軍軍賊之後六月杪新墟之戰烏蘭泰甫經得手而

達洪阿率兵至軍以禮節微嫌與烏蘭泰不睦遂頓兵

十日而不進七月間雙髻山之捷向榮劉長清又覺得



手而巴清德以五不可追之說爲向榮等掣肘以致山  
內花雷茶地各賊首先期竄赴新墟迨向榮拔營前進  
而風門坳要隘又已爲賊所守及攻逼而出賊竟乘中  
秋之夜從容逸去後向榮巴清德軍於官村因雨致挫  
逃入平南烏蘭泰復不相救援坐使賊匪裹脅日衆擄  
掠日多而永安州遂於閏八月初一日失守其時惟烏  
蘭泰一軍於次日赶到而孤立無援賽尙阿特派臬司  
姚瑩前往荔浦防堵時有委員在彼招集福勇二千欲  
乘賊勢未定攻復州城詎姚瑩一聞其說痛加斥詈以  
致福勇各散賊得以連夜設防我軍竟作壁上觀矣嗣

奏稿卷一

九

是向榮褫職劉長清統兵於州城北三十里外紮營烏  
蘭泰亦於州城南三十里紮營偶一進兵不相糾約但  
虛文應付而已十月間北軍失利賊直追至營邊開礮  
而去於是復以向榮總北軍連夜移營漸逼而前軍威  
復振而烏蘭泰又不肯移營賽尙阿於十二月內移駐  
永安奈賊守日固且諸路將帥不能齊心屢攻不入本  
年二月賊自永安東路竄逸雖次日追及於古東口內  
大有殲擒而天雨地險兵疲勇乏逆賊拚命反噬以致  
四總兵同時陣亡自粵西用兵以來未有如此次之潰  
裂者由是逆燄鴟張至撲桂林掠興安屠全州攻永州

陷道州踞郴州分擾江華永明等十餘州縣近復分其醜類直抵長沙而省垣告急矣聞逆匪占據道州時提督銜和春領兵勇二萬有餘從無一人出營每閱數日捏報勝仗一次迨賊因火藥匱乏全數遁出大營毫無知覺次日有一賣糖人赴營中送信和春始派員探視止餘草人數十羅列城上而賊已蹤影俱無先是江華縣有守兵八百名練勇三百名所以遏賊之去路也忽一日奉賽尙阿札諭謂糧餉不敷散放飭令將兵勇暫行撤去該知縣劉興桓以撤防不便稟贖十餘上至嚙指血書以陳卒不聽而賽尙阿程喬采等反笑爲書生

奏稿卷一

十

愚見詎六月初五日撤防而初八日江華城陷矣查程喬采駐紮衡州辦理防堵是其專責何以要路毫無準備任賊狂奔如入無人之境而本地土匪四起接應何以伏戎於莽之時絕無覺察且賊在粵西時該督駐守衡州比賊入湖南該督反以折回省城居中調遣爲請今賊如此披猖所爲防堵者安在所爲調遣者又安在耶似此恇怯無能烏得不長賊之智而縱賊之膽假使當賊衆未到之先早能扼守要隘嚴密布置安輯良善剪除內奸或養精蓄銳以逸待勞或堅壁清野以守爲拒或密伏勁旅以防賊之潛窺或大張聲威以奪賊之

肆志賊縱兇頑其何敢輕進深入狼奔豕突至於此極大抵賽尙阿人甚樸誠而局於才識不能通盤籌畫得其要領其左右多所朦蔽不惟不能確知賊情卽軍中委曲周折之數亦並不能洞悉其所信任率皆小廉曲謹者流不能有所贊助而英雋奇傑之士不能奔走而駕馭之以盡其才其帶兵文武大員不相和睦遇事牴牾甚或擁兵自衛縱寇養奸又復不能有所鈐制以致坐失機宜岌岌乎有難於收拾之勢良足惜也今者

皇上命兩廣總督臣徐廣縉赴湖南辦理軍務又添調各省官兵不下萬餘從此耳目一新軍威必當大振但

奏稿卷一

七

目下賊勢尤非從前可比苟非鑒前事之失而謀之於先何以握必勝之權而善之於後用是謹擬數端爲我皇上陳之一在嚴賞罰賞罰者

國家揚清激濁之大權而用之於軍旅則尤神書曰用命賞於祖不用命戮於社兵法云賞必逮下罰必及上又云賞罰不逾時伊古以來未有賞不足勸罰不足懲而能激勵將士使之致命於疆場者也賽尙阿視師粵西軍前文武豈無一二出力可靠之員未聞其破格擢用一人也前蒙

皇上授以遏必隆刀彼直以爲飾觀之具亦未聞其戮

一兵一將也縱所保翎頂升階殊爲不少然祇各營開單爲之照錄非能真知灼見有所賞拔也非能解衣推食隆以國士之禮使表其異於衆人也卽所參將弁頗亦有之然重至革職拏問而止下此或鑄級留觀後效亦非能雷厲風行也臣愚以爲嗣後僨事失機者副將以下卽當於軍前正法其提鎮大員或請

旨立正典刑或拏解刑部嚴審治罪俾大衆知所儆惕以振其膽玩積弱之習若仍聽其留營辦理不惟軍書旁午非質審定讞之時且請託乞憐卒必皆從末減如余萬清劉長清輩拏問已久並未聞如何奏結何以整

奏稿卷一

七

飭戎行耶至軍前得力各員平日必推誠相待遇以殊禮一面隨時存記遇有缺出卽予越級超陞其打仗傷亡者又時時加意撫卹夫而後可以獎任事者之賢勞夫而後可以動旁觀者之感愧且使閭營將士咸知臨陣退縮者欲惜命而不免刑誅奮勇爭先者雖捐軀而終膺卹賞庶幾士心奮而士氣自揚矣一在嫻紀律近日各省徵調已及數萬率由各營抽選集腋而成平時教演旣不能精而管帶之員又非其本屬兵不識將將不識兵名爲有制之師實同烏合之衆且催趲到軍未及休養銳氣卽令冒昧一試焉有不敗且奔者向來每

兵萬人到軍能以六成出隊者已屬上選而六成之中  
可以前敵奮勇者不過三四百人果其謀定後戰一鼓  
作氣縱忿奪爭功時所不免要其盛氣猶爲可用若前  
者受創後者立潰斯時卽有嚴罰重賞且有各不相救  
之勢而況勇往者未必邀賞敗奔者未必受罰於是前  
敵者不復振而萬人坐廢矣臣愚以爲嗣後各省調到  
之兵或一千或二千不可輕令進戰必先齊隊挑選一  
次閒日操演分其優劣驗其器械練其步伐進退凡陣  
中陰陽虛實動靜翕張之法一一講求並時時申明禁  
令必使將與兵相習兵與將相依衝之不動震之不驚  
掩之不奔截之不分如此則整齊嚴肅一兵可收一兵  
之用若到一千卽令一千赴戰續到一千又卽令一千  
赴戰驅不練之兵以乘敵是猶繫鷹犬之足而使擊狐  
兔未有不爲其反噬者也一在簡軍實自來用兵之要  
最重器械兵不堅利與徒手同其一切軍裝雨具乾糧  
之類皆須預爲儲備方免臨時周章聞粵西糧臺所造  
火槍偷工減料其火門一放輒壞其所造竹槍皆以薄  
皮青竹爲之上縛鐵釘不俟殺敵而已折損其軍器火  
藥因溼成霉又不准換領每於賊竄之後不惟鍋帳不  
能繼至卽餼糧亦不能相隨所製帳房悉以極粗白布

單層爲之其式甚小雨至則透風至則仆地有泥淖障身並無乾草兵丁往往以背相靠徹夜蹲坐坎地爲竈積水盈坑柴溼地潮炊煙不起於是挖芋生食投林露宿疲頓之極安望其遇賊奮勇耶所以然者兵弁屬武將而糧餉屬地方其總司糧臺之嚴正甚既老且聾每爲左右委員所欺因而取巧者冒領以肥私急公者挖延而受累百弊叢生難以枚舉臣愚以爲各營所需應歸各營經手其所製各項什物難於營中配造者亦聽帶兵大員派員擇附近城墟之地購造分冊報銷糧臺核轉儻查有浮冒及偷減情事惟該經手之員是問如此則工歸實用而免侵牟剋扣之弊矣一在絕奸細楚粵之間良莠難分其隨營充當長夫及小本經紀負販貿易者往往爲賊耳目探我虛實法宜嚴爲防備凡跟丁人夫除造冊散給腰牌外均不准擅出營盤其新來投充者皆取切實的保不得濫行收留至軍營買賣街所以供兵勇日用之需勢不能全行禁止法宜令開設於營盤之後以委員專司稽查不得於營前搭草棚帳房亦不得過營前遊走違者究治則我軍與賊營相距之處隔斷往來不特可絕窺探且可以絕接濟至與賊巢毗連之州縣尤須地方官會同本地紳士嚴爲查防

預絕賊綫內患不萌則外患不至是在該帥委任得人而已一在馭壯勇官兵不足而用土壯土壯不足而募外勇本係倉猝應變無可如何之事然自粵西軍興勇之數較多於兵其名目如仁勇義勇貴勇練勇博白勇桂林勇猺勇水勇此本地之勇也又如東莞勇香山勇潮勇此廣東之勇也勇無紀律惟利是圖勝不相讓敗不相救撫之過寬則縱恣不法操之太急則忿激生變甚且陽爲我用陰與賊通若竟擯不收錄則又恐去而從賊爲虎添翼且賊已至長沙如協守城池堵禦要隘等事兵力稍單又不能不兼資於勇是必嚴爲挑選簡

奏稿卷一

五

擇明幹員弁分配管帶結之以恩信曉之以大義約束而調習之尤須確查來歷不令奸匪得以冒濶其中是在專其事者慎之又慎勿少大意而已一在解脅從賊之敢於直竄湖南者恃有會匪爲之接應竊聞附入添弟會者長沙以南處處有之湖北則武昌襄陽間亦不免前者武昌城中卽有粘貼僞示之事近聞豫省川省亦復有之此輩果係該逆夥黨固應及早翦除無留餘孽若係本地土匪乘間竊發假名恐嚇又當嚴誅首惡以靖內亂應請

諭飭該督撫各於鄰近交界地方派委明幹曉事之道

府周歷巡防嚴行查辦以杜勾結但當出之以鎮定不  
可稍涉張皇致滋驚擾一面頒示告誡申曉利害開悟  
迷罔俾反側自安而奸謀可以悉絕現在外間或當見  
及於此惟以地方官出示曉諭尙恐不足以動其觀聽  
可否仰懇

聖恩廣宣

溫詔凡我良民罔非赤子有遭其煽惑而誤入歧途有  
迫於兇威而遽攫法網苟能自新卽當矜宥其有聯絡  
聲勢各衛身家或訶知奸謀密行首告或擒殺賊首投  
誠來歸除旣往不咎外仍破格予以優賞如此則

奏稿卷一

十六

皇上愷惻慈祥之意一一入斯民之寤寐而感以至誠  
彼民也誰無天性誰非人情將旣經從賊者知所改悔  
而未經從賊者不復動搖

天語煌煌當勝雄師百萬也昔者唐德宗下罪己之詔  
士卒感泣思奮而李抱真卽以知賊之不足平其卽明  
證也夫抑臣更有請者目下賊撲長沙援兵旣至省垣  
自可無虞惟賽尙阿現駐衡州在賊之南卽徐廣縉兼  
程而至亦在賊之南路如此則北路實覺空虛况洞庭  
以北之岳州府南省之門戶亦卽爲北省之屏障最爲  
緊要關鍵宜於此地駐守重兵以遏其北竄之路而湖



北之武昌襄陽地接河洛西通川陝東引吳越四通八達尤不可不嚴爲準備在逆賊惡貫滿盈固不難卽就殲滅然恐其潰敗之後仍如撲桂林故智或聲東以擊西或避實而擣虛萬一越岳州而北來則腹地居民遭其蹂躪而大營兵將又成尾追之形且恐武昌襄陽一帶少有震動則更有大可畏者應請

諭令徐廣縉繞至北路向南迎頭攻勦一面簡派重臣坐鎮武昌凡北省調到之兵先於彼處教練以張其勢而襄陽一帶亦以二三品大員駐守訓練精兵嚴密防堵如此則北面之藩籬固矣至京師八旗各營及綠營兵丁暨直隸山東山西河南等省亦請密行飭諭該管大臣及各疆吏提振精神勉抒愛

奏稿卷一

七

國之忱力破處堂之見所有整飭武備如查出貪劣之武職及羸弱之兵丁悉行參革其空名冒餉者不得仍蹈積習營中所需槍礮刀矛不堪適用者並令一律修補至於文職各官則自道府以下尤應督率牧令洗心滌慮實力從公其有爲害於百姓者一切悉令革除務期和衆安民以培元氣而固根本此尤當時之急務也至近日文武各員往往以奔走趨承爲能事其樸拙勇敢不避勞怨者不以爲喜事恃才卽以爲邀功冒賞否

則困身於下吏逐隊於庸流誠爲可惜可否援照明保  
成案

敕下京外文武各大臣平日於屬僚中果有真知灼見  
確信其人克赴軍前效用或長於謀或長於勇或長於  
製造器械無論現居何職准其據實保奏如才可用卽  
少有微瑕亦令於摺內聲明送部引

見候

旨發往則天下之大不患無才而羣策羣力可期迅奏  
膚功矣以上各條謹就管見所及以備集思廣益之一  
助至於山川之險易地勢之廣狹會戰之時日與夫成  
功之遲早用正用奇有機有勢變化生於俄頃運籌妙  
乎一心此固在專閫大員之自爲權度類非局外者所  
能率臆而妄議也我

皇上撫馭臣民

乾綱獨斷自兩粵軍興不惜千萬帑金冀登斯民於衽  
席而於用人行政之際因時制宜事事務持夫大體尤  
望

宵旰之餘與在

廷諸臣講求實際宏此遠謨區區小醜固不難立就廓  
清也臣愚昧之見披瀝以陳是否足資

採擇之處伏乞

聖鑒謹

奏

奏稿卷一

九

請密查向榮等片

再臣前閱邸鈔奉

旨向榮著發往新疆効力贖罪欽此仰見

聖主整飭戎行之至意竊念徐廣縉甫到粵西卽行嚴參此中操縱之權非臣所敢妄擬惟聞向榮自到粵西以來固多可指之罪而雙髻山一捷及保守桂林之功頗爲廣西通省紳民所愛戴是其老猾任性誠爲可誅而其久歷行陣亦尙可取可否

密飭徐廣縉再加體察如向榮老病昏悖不堪任用則催令赴配以正其罪儻於奉到

奏稿卷一

三

嚴旨後深知悔懼愧勵奮發卽請暫緩發遣隨營差委果能殺賊立功再行奏請

恩施至陞任河南藩司嚴正基總司廣西糧臺其操守廉潔人所共知惟年過七旬兩耳重聽其爲人質厚有餘精明不足以是易受人欺聞其糧局委員多有高下其手及侵蝕剋扣諸弊以致閤營將士頗深怨望又臬司姚瑩前以防守臺灣案內卓有名譽惟其人老而任性聞其在荔浦之新墟防堵時適有博白壯勇五百路經十餘里之外於小村暫歇而姚瑩聞之以爲賊至首先奔出墟外在石橋上驚伏竟夜致居民紛紛逃避又

於本年正二月間該臬司管理行營轉運糧局忽稱餉銀不敷支放一面稟知賽尙阿鄒鳴鶴不候批回一面卽通飭各營所有糧餉均按七折散放各兵勇幾至鼓噪賽尙阿遣員趕赴各營曉諭並無此事人心始定似此冒昧倉皇之員用之有事之地恐多貽誤伏乞一併密飭徐廣縉查明有無其事據實奏

聞再行辦理臣愚昧之見是否有當伏候

聖裁謹附片陳

奏

請明憲典以振 國威摺

奏爲請明憲典以振

國威仰祈

聖鑒事竊維綱紀恃以常存必賴乎憲典恩禮有時而盡則繼以刑威自古及今未有憲典不明刑威不振而尙可以立國者而當軍興之時爲尤甚我

朝

聖聖相承服人以德澤世以仁忠厚慈祥度越往古而獨於用兵之際其僨事失機諸臣實未聞少從寬典蓋雷霆雨露無非深恩仁育義正交相維也臣昔備員史

奏稿卷一

三

館得以敬覽

列朝掌故竊見

聖祖之平三藩也其時老師養寇者自王貝勒勒爾錦等以下皆罪之

世宗之征厄魯特也大將軍馬爾賽總兵曹勳等皆以遷延伏法

高宗之世聖武昭宣征伐尤數其征緬甸也則誅額爾登額譚五格等其定金川也則誅訥親張廣泗阿爾泰等其戡定回疆新疆也則誅雅爾哈善順德訥馬得勝卜塔海等其他用兵之處無不嚴於執法而

仁宗之世東南海氛甯陝兵變以及川湖曹滑諸大役  
凡將帥之逗遛失事者亦各立子誅斥不事姑容是禍  
亂之戡平固賴

列聖廟謨獨斷智畧如神亦由有罪必誅紀綱丕振懲  
一而後能做百也及至道光年間逆夷犯順維時承平  
日久諸務漸弛前後督師大員稽延疲玩坐失機宜  
宣宗成皇帝聖德如天不忍卽加誅戮而當時左右大  
臣狃於因循不能有所贊助以致軍營將士無所懲戒  
然其時用法雖寬而如提臣余步雲坐視不前亦尙明  
正其罪未有如今日縱弛之甚者也查賊匪肆逆始祇  
竄擾偏隅繼遂深入腹地今則越九江趨江皖而紛擾  
已半天下矣

奏稿卷一

三

皇上特簡重臣及所在督撫籌辦防勦備餉不爲不厚  
調兵不爲不多乃前者逮治後者效尤迄今已更數帥  
已歷數省賊勢日益鷓張而玩愒巧猾者愈出愈奇豈  
賊之難禦而兵之難恃乎亦

國法不伸無以警其頑而振其惰耳

皇上德洽好生寬大和平固所以養天下之福彼治亂  
國用重典乃刑名法家之言似有近於刻深然補偏救  
弊尤貴因時制宜計自三藩戡定後

列聖御極雖小醜跳梁未失中原寸土而統兵大臣少失事機者未嘗寬其誅殛之罪所謂辟以止辟與其漫爲姑息使之無所忌畏而卒致挫衄曷若早示創懲使之有所警懼而克戴大功乎且縱容一二僨事失機之庸臣坐使數百萬生靈慘遭兵燹其流毒曷可勝言今日者

欽差大臣無不擁兵縱寇觀望周章而封疆大吏又毫無先期之布置賊未至卽送眷先逃賊甫至則望風疾遁自上年至今彼日防堵此日截擊及至臨事除張皇失措開門延敵之外一無所能似此情形良可痛恨查

奏稿卷一

五

各督撫兼轄營務本有經武之責果能隨時整頓認真訓練何遂貽誤至此據目前情形而論是其素日舞文弄法欺君誤國不問可知且賊匪已至之處既歷歷如出一轍然則賊匪未至之處真令人一爲設想一爲寒心尤而效之殆尤甚焉此後尙堪問乎夫出師命將進則賞而退則誅古有明訓

國有常刑自粵匪滋事以來

欽差大臣屢易其人其誤事致敗之由以及奔避遷延之狀均在

聖明洞鑒之中彼之所以敢如此膽玩者不過深知



皇上仁慈卽予譴責輕則褫職重則拏問而已卽至褫  
拏名曰押解刑部而沿途之供應如故也迎送如故也  
船輜夫馬如故也名曰監禁而寢處飲食如故也交接  
餽遺如故也將來卽擬以大辟猶冀不入朝審不入情  
實減等發配究係曾任大員囊有餘資朝有故吏復何  
所苦是時事之艱虞可以付之膜外而

朝廷之寬宥轉已墮其術中此後各大臣督撫度其畏  
憚不堪庸劣無能之狀必將有甚於已往者亦必至之  
勢也爲今之計不患盜賊之不平而患紀綱之不振風  
行雷厲萬彙昭蘇未有不旋至而立效者伏望

奏稿卷一

五

皇上濟寬以猛卽降

嚴旨擇其退避之尤者迅於該地方明正典刑以紹

先烈則官吏見之而心驚逆賊聞之而膽落軍營將士  
亦曉然知法令所在必不可逃與其死於刑而貽子孫  
之辱不若死於賊以邀褒卹之榮書曰威克厥愛允濟  
正今日之謂也他如託名防堵要隘保守省垣查拏土  
匪以爲退避者皆近來疆吏保身全軀之熟技雖予以  
革職留任之譴而彼之靦顏而任封圻何損毫末今日  
固乏人材然似此退憚取巧之徒更復何足愛惜而患

無人接辦耶伏望

皇上欽承

家法速奮

天威庶人心知所警惕而

國事尙可有濟若再稍需時日

臣

恐欲誅者不可勝誅

且卽盡數誅之而亦無補於事矣遲速之間所關甚鉅

不可不察也

臣

愚昧之見披瀝直陳是否有當伏乞

皇上聖鑒謹

奏

奏稿卷一

美

請嚴伸

國典以振軍威摺

咸豐二年十二月十六日

奏爲請嚴伸

國典以振軍威披瀝血誠仰祈

聖鑒事竊觀近年以來內外大臣泄泄沓沓拘泥叢脞以緘默退縮爲謙謹以推諉避就爲和衷以先事布置爲張皇以勇往擔當爲孟浪每於無關緊要之處備極苛察而遇重大事件反敢陽奉陰違藐

國法若弁髦屬員尤而效之上下成風牢不可破自閣部大僚以及各省督撫疆吏諸務皆然而軍營爲尤甚如徐廣縉之畏死倖生巧於推避更爲甚之甚者也查

奏稿卷一

七

徐廣縉由粵赴楚節節耽延幾及三月之久迭奉

諭旨飭催至再至三竟自置若罔聞比入楚境之後又復顯違

聖訓不能擇隘防守失陷岳州致賊匪長驅北省而

皇上鴻慈逾格不卽逮治尙令帶罪自效如使稍有天良宜若何奮發有爲勉贖前愆乃自武昌被圍以後億萬生靈倒懸於水火之中明知

宵旰焦勞盼其赴援乃竟藉搜捕土匪爲名延宕不前坐使省垣重地陷爲賊有查其前次奏報摺內一則云毫無把握再則云坐視貽誤是其自定爰書誠爲無可

解免而猶以並非有意遷延一語剖腹自明欲蓋彌彰  
欺詐孰甚據其情罪較之賽尙阿尤相倍蓰賽尙阿之  
罪止於調度乖方而逗遛規避尙無其事徐廣縉則有  
意玩誤居心更不可問宜乎兩湖紳士無不痛心而切  
齒也每見其前後陳奏情形搪塞支吾自相矛盾如在  
夢中誠有如

聖諭所云者我

皇上以用人失當自愧自恨仰見

聖躬自責之誠邸報錄傳讀者莫不流涕

臣

愚以爲

皇上之用賽尙阿將畧誠非所長若徐廣縉久負當時

奏稿卷一

三

重望渥荷

先帝殊恩且其人並非庸碌無能者比果肯殫竭血誠  
力盡智窮因而僨事未嘗不可寬其一綫今則未建一  
策未交一陣擁兵觀望尾賊徐行此等喪心病狂豈用  
人者所能逆料現在軍務正在喫緊之際大小文武莫  
不揣測

聖主之寬嚴爲進退之計若竟稍予貸宥又誰肯輕舍  
軀命戮力疆場耶伏望

皇上乾綱獨斷速簡賢員前往更代一面將徐廣縉革  
拏卽以所賜邊必隆刀

諭令自裁一如

高宗純皇帝誅訥親故事一面明降

嚴旨剴示琦善陸建瀛使凜然知所做畏則號令所至雷厲風行無一人敢再蹈覆轍以之迅奏膚功不難矣若仍含忍錄用望其成功晚蓋已往之事固已其效可觀彼又安能另易肺腑爲社稷蒼生計乎抑臣更有請者現蒙

聖慮周詳飭令三路進兵合力兜勦誠爲

勝算獨操矣第念琦善陸建瀛等各佩帶

欵差大臣印信一國三公事權不一不但牽掣推諉在

奏稿卷一

三

在可虞縱諸大臣勉矢和衷絕無意見而其屬員各有稟承呼應萬難靈通可否

特簡重臣授爲經畧抑或就三路中專命一人爲首領總辦軍務其兩路皆受節制並假以事權一切調兵徵餉罰罪賞功准令便宜行事如此則事有統宗而責無旁貸制勝之師在此一舉今逆賊鴟張武昌漢陽悉爲所踞西南半壁勢成岌岌儻再稍因循大局何堪設想自知黜陟賞罰操之自

上非疏逃小臣所敢干預惟時勢至此凡在食毛踐土之倫皆切敵愾同仇之志况臣職司糾劾何忍甘於緘

默伏冀

聖主鈇鉞雷霆一怒而安天下則區區小醜無難一鼓  
蕩平矣臣愚昧之見披瀝密陳是否有當伏乞

皇上聖鑒謹

奏

奏稿卷一

三

請實授大吏以專責任片

再查現在各省大吏督撫藩臬署任幾居其半在任事者未經實授未免視同傳舍而屬員亦卽以五日京兆視之地方緊要事件上司不知其源委安辨其重輕州縣承批公件卽任意蒙蔽設計遷延亦復無從考察况紛紛調任赴任其擾累更不可究詰而新舊交卸之際尤屬弊端百出之時伏乞

皇上於各省署任中或另予簡放或卽予實授俾事有專責則任無旁貸又

臣

恭閱邸鈔湖北巡撫奉

旨著駱秉章暫行署理查湖北巡撫向駐武昌今會垣

奏稿卷一

三

失陷通省文武茫無所措卽駱秉章暫署撫臣亦須令其擇要駐紮藉爲辦公之所請

飭軍機大臣妥擬湖北巡撫暫行駐劄處所明降

諭旨俾湖北通省官吏有所稟承一俟武昌克復一切再仍其舊

臣

愚昧之見謹附片陳

奏

請 密飭山東撫臣實行團練片

再逆匪現陷皖省必將窺伺江甯各處土匪恐有紛起之勢山東一省爲北方屏障最爲緊要之區而界連江南處所屢有捻匪滋事之案且豐工合龍後遣散夫役被難窮民紛紛叢集者難以數計設鎮撫稍不合宜在在可虞此時惟有實行團練以資保衛而行之之法如勸捐資糧增築堡壘以及選募丁壯教演技藝修置器械等事必須簡派公正廉明之州縣官身爲董率又於各邑紳耆中慎加遴選俾司其事不得假手吏胥轉滋擾累如此則上下順應聯爲指臂方可固結民心期於得力應請

奏稿卷一

三

密飭撫臣李德酌量各處情形悉心籌辦至在事出力各官紳准其量予保奏以示鼓勵庶藩籬可固而畿輔亦無他虞矣謹

奏



毛尙書奏稿

卷之二目錄

恭報到籍日期摺

黃河兩岸宜嚴加防守片

請以李湘棻等幫同防河片

縷陳現辦團練情形摺

酌提捐輸經費暫濟軍需摺

調在籍紳士辦理捐輸團練片

備陳防堵情形摺

勸辦捐輸及借款歸款片

奏稿卷二 目錄

特參帥臣玩寇糜帑摺

陞任安徽臬司謝 恩摺

陞任江蘇藩司謝 恩摺

恭報到籍日期摺 咸豐三年三月十七日

奏爲恭報 微臣 到籍日期並陳大概情形仰祈

聖鑒事竊 臣 恭奉

恩命暫回本籍辦理團練事宜謹於跪聆

聖訓後束裝起程於本月初六日馳抵濟南時撫臣李德早經出省防堵不及會晤外其藩臬以下各官及衆紳耆等均皆見面詢知各處所辦鄉團練勇等事現已畧有規模惟因經費難籌不無掣肘當經 臣 宣布

皇仁極力勸諭更由各官紳倡率輸將認真督辦近日人心稍覺安貼辦理可望得手 臣 惟有恪遵

奏稿卷二

一

訓誨勉效愚誠並與地方官妥議熟籌相機布置總期以本地之人護衛本地不敢輕言招募致滋事端亦不敢稍涉張皇致多驚擾要使大衆知感知奮共輸同仇敵愾之忱庶幾衆志成城有備無患以仰副

皇上軫恤黎元綏靖疆圉之至意至於一切章程尙有因時變通之處一俟辦有實效再當臚款敬陳又 臣 自出京後所過地方均極安謐而雨澤霑足麥苗青葱尤有豐稔之象足以仰慰

聖懷所有 微臣 到籍日期理合恭摺奏

聞伏乞

皇上聖鑒謹

奏

奏稿卷一

一一

黃河兩岸宜嚴加防守片

咸豐三年三月十七日

再查山東爲畿輔屏障山東無事則畿輔安然後可以從容議勦則東省之防實爲目前第一要務東省曹州一府與河南安徽接壤兗沂二府與江蘇接壤南以黃河爲界山東撫臣李德現在兗州於曹單二縣境內凡黃河渡口船隻盡數飭令停泊北岸賊無船隻自必不能飛渡然猶慮其縛木爲筏抑或勾結奸民暗備船隻爲之接應則南岸無船之說似亦不盡足恃且黃河渡口甚多不盡東省所轄賊若自王家營至徐州一帶偷渡沂州一府首當其衝該府無重兵以當之守土之官

奏稿卷一

三

一無可恃賊若過沂州或分其黨由臨朐縣之穆陵關犯青州以其大股直撲省城則山東全境動搖令人不堪設想矣爲今之計莫若以重兵扼黃河兩岸使賊不得北渡根本旣固然後可以進勦查黃河自王家營至曹縣綿亙數百餘里賊之渡河亦不必皆由正渡或聲東而西或聲西而東詭計多端殊難逆料斷非數千百人所濟事東省之兵除業經調發外各營之兵以之保守地方已爲單弱不能再調防河畿輔重兵萬無外調之理卽河南之兵亦須留以自固而陝甘續調之兵到期尙遙目前籌畫計無所出聞兵部侍郎銜周天爵在

宿州團練鄉勇聲勢頗壯應請

諭令統帶兵勇迅赴黃河南岸淮徐一帶實力防守與河漕諸臣各營盤遙爲聲援前調山東兵六千餘名聞在安徽不甚得力應卽撤回黃河以北交撫臣李德管帶分營防堵以山東之兵守山東之地不惟地利熟悉卽兵民亦可相安勝於客兵遠甚並請

嚴飭李德等小心將事不得僅恃黃河天險稍涉大意必須於河干分設數營使上下聲勢相連又以游騎梭織巡探更番輪替勿得暫停使賊無所施其詭計是移無益之兵而置有用之地無益餉之費而有禦寇之功也又慮賊無計可施暗用奸細盜決河隄則旬日之間正溜可爲平陸應再

奏稿卷二

四

嚴飭南北兩岸帶兵諸臣認真督率官弁兵丁無分雨夜嚴密防護勿使少有疏虞又郟城爲東省陸路首站穆陵關爲青州第一要隘再由東撫分飭各該營認真防守如兵力不足由各該府招募壯勇以壯先聲如此層層布置則無一賊能渡河而北東省安畿輔乃安加以

嚴旨督戰勿許仍前觀望以

列祖

列宗之靈濟以天下全盛之力當有滅此朝食之一日  
也臣爲軍情緊急起見理合附片密陳伏乞

皇上聖鑒謹

奏

奏稿卷二

五

請以李湘棻等幫同防河片

咸豐三年三月十七日

再查現在臨清一帶漕船停泊水手約有四千餘人嗷  
嗷待哺臣聞藩臬諸臣議給口糧遣散回南因正值大  
江南北土匪滋事之時深恐其爲賊所有必成大患意  
欲藉而爲勇又慮其難於駕馭臣愚以爲此輩固屬兇  
悍果能駕馭得人控制得法自多可用且簡其精壯汰  
其老弱同一發給口糧亦可不致虛糜查五品頂戴李  
湘棻前在漕運總督任內頗著威望素爲衆所信服該  
員現奉

奏稿卷二

六

諭旨<sub>一</sub>在籍督辦團練若以之統帶水手可期得力又告  
病在籍之前任臺灣鎮總兵呂恆安廉明幹練能與士  
卒同甘苦實爲營伍中不可多得之員仰懇  
皇上天恩垂念軍情緊急可否

飭下該二員幫同山東撫臣李德防守黃河北岸之處  
伏乞

聖裁謹

奏

縷陳現辦團練情形摺

咸豐三年九月初九日

奏爲縷陳現辦團練情形仰祈

聖鑒事竊

臣欽奉

恩命暫回本籍辦理捐輸團練事宜到籍之後日與同奉

欽派辦理捐輸團練之前任南河江運同知彭以竺前任山西孟縣知縣李鴻疇和衷商確因時規畫惟冀漸收成效稍分我

皇上宵旰東顧之憂伏查團練之法卽古者寓兵於農之遺意而其事之難行一在於風氣之不齊一在於人

奏稿卷二

七

心之不固兼之承平日久民不知兵無事則恬嬉自安有警則倉皇失措又省會之地五方錯處休戚不甚相關居民大半浮動卽多方勸導猶相率而畏疑若少不徇從更譁然而興謗臣等事權不屬措置維艱惟有殫竭血誠身任勞怨明憲典以端率循之準順人情以達通變之方先定章程次申文約徧行曉諭反復指陳凡利害禍福之機順逆安危之理務使衆百姓了然於目了然於心然後親歷各鄉訪求公正曉事之士民舉爲團長教以聯莊互援之法使之轉相勸導一切置械練勇築堡浚濠聽其各就本處情勢自爲經理更不强以



所難又先於城市關廂分設八局延請教師收錄確有  
身家來歷之人隨時教習技藝就中擇其壯健樸實而  
又願備調遣者另爲一團酌給飯食按日認真操演但  
求其精不求其多用是大衆咸知守望相助之誼而不  
復以團練爲苦數月以來民氣漸壯民心亦固駸駸乎  
有衆志成城之象查省城地面內分八約外分七十一  
里領街巷二百三十九村莊八百零三屯莊十四其地  
南郊多山接連秦嶽而城西四十里外之大清河係屬  
西來門戶河之東爲長清縣地臣先與該代理知縣王  
元善勸聯中店鋪等五十四村莊爲一團又勸聯古城

奏稿卷二

八

等七十八村莊爲一團以壯遠勢遂又折回本城會同  
代理濟南府知府陳寬親赴龍山鎮聯集一百一十二  
村莊爲一團又會同陞任歷城縣知縣張積功親赴段  
店莊聯集三十六村莊爲一團自是或數十莊爲一團  
或百數十莊分爲數團合爲一團均由臣等親往勸辦  
統計六百餘村莊週圍三百餘里皆係扼要之區臣等  
仍當不時往查俾免始勤終怠之虞其餘偏僻處所亦  
須一律舉辦方爲完密近日風聲所樹相觀而善城關  
各街巷亦經各士商自分段落節次舉辦此皆仰賴  
聖主德威非臣等初念所料及也抑臣更有幸者五月

十一日曹縣虛報賊衆渡黃彼時城內團練尙未辦齊而存城兵丁僅止四百餘名不足守禦民心驚皇紛紛遷徙臣等定議以守近必先防遠迅卽冒雨馳抵古城中店鋪兩莊邀集各團長曉以大義商令隨官防堵一時願助聲援者計得二萬餘衆雖事屬虛警而該團忠勇之風自堪嘉尙當經前任藩司劉源灝親赴該團面加獎勵在案卽此可見同仇敵愾之義憤自性生也伏思此次團練勸導之責臣等分所當然而齊心合力其奉行尤在團長之得人該士民急公好義未便沒其微長而人數較多實不敢概請獎敘新任藩司崇恩曾任山東巡撫洞悉民情抵任後卽嚴飭府縣隨時籌畫士民益形踴躍現在署理撫臣印務可否仰懇天恩飭交該署撫查明始終出力之士民量予鼓勵之處出自

奏稿卷二

九

逾格鴻慈臣等擬俟省城團練辦齊卽親赴濟南府屬各州縣會同地方官各就地方情形酌量辦理謹將臣等所擬章程條約並各團界址另繕清單恭呈

御覽所有現辦情形謹會同臣彭以竺臣李鴻疇合詞

恭摺具奏伏乞

皇上聖鑒謹

奏

奏稿卷一

十

酌提捐輸經費暫濟軍需摺

咸豐三年九月初九日

奏爲防堵緊要擬就鄉團選備義勇並酌提捐輸經費銀兩暫濟軍需仰祈

聖鑒事竊<sub>臣</sub>等現辦濟南團練情形已有另摺具奏查

此項鄉團疊奉

諭旨諄詳免其調遣仰見

皇上於綏靖疆圉之中時寓軫念黎元之至意伏查鄉團中怯懦者固多而忠義奮發者正自不少現據探聞賊匪在直隸順德廣平一帶竄擾距東省較近已據署撫<sub>臣</sub>崇恩於東昌途次折回臨清撥派兵勇嚴密防堵

奏稿卷二

七

東省自必無虞惟濟南爲省會重地守禦尤爲喫緊<sub>臣</sub>

等現與署藩司英桂署臬司花詠春等密計熟商擬就

鄉團中擇年力精壯者或數百人或數十人由該團長

預造一冊密爲存記臨時賊到何處卽用何處團衆策

應兵勇藉壯聲威餘令守團防堵然旣用民力必籌民

食而器械軍裝亦須加倍製造查<sub>臣</sub>等勸辦捐輸曾據

歷城縣紳富茅汝敷宋輝鼎李濤等捐助團練經費銀

二千餘兩並會同署理濟南府知府陳寬親赴章邱縣

勸諭富紳孟蕙林捐銀一萬六千兩孟傳瑗捐銀一萬

兩孟傳璵孟傳玘孟華林等捐銀一萬兩高赤城李秉

芳捐銀四千餘兩惟此項銀兩雖經書捐尙未報解臣  
等惟當會同地方官催令迅速解到酌提一萬兩爲添  
雇民勇增置器械之用如賊匪立即撲滅仍當儘數解  
交藩庫藉充軍餉又臣未到籍以前已有本籍紳士酌  
借公項銀六千兩預備置械雇勇嗣五月間曹縣告警  
又經前任藩司劉源灝籌發銀二千兩爲添募鄉勇之  
需各在案臣等擬俟孟蕙林等捐項交齊先將前借銀  
兩亟行歸款至各捐生踴躍急公洵堪嘉尙應俟兌繳  
齊全後再將姓名銀數造具清冊知照撫臣奏請  
獎敘臣等爲軍需緊要起見是否有當伏乞

奏稿卷二

三

訓示再署撫臣崇恩現已出省防堵不及會商合並聲  
明所有現辦防堵緣由謹會同臣彭以竺臣李鴻疇合  
詞具奏謹

奏

調在籍紳士辦理捐輸團練片

咸豐三年九月初九日

再本年二月初一日欽奉

諭旨各省辦理團練著部院堂官及翰詹科道各舉所知等因欽此竊查濟南爲省會重地領十六州縣道路悠長

臣

等督催辦理有未能兼顧之勢查請假在籍之

翰林院編修李慶翱才品兼優又前任山西平陸縣知縣余正酉老成練達前任直隸故城縣知縣孟毓藻才識明通以之協辦濟南府捐輸團練可期經理得宜又聞東昌沂州二府地皆緊要現均乏人經理查有丁憂候選知縣張汝清學識優長又現任兗州府教授吳步

奏稿卷二

三

韓品端學粹以之協辦各該府捐輸團練事宜亦能收有實效合無仰懇

天恩飭令該員等各辦本籍捐輸團練可期得力又籍隸直隸之候選知縣張槃游幕在東其人熟悉軍務勇敢有爲可否

飭交署撫

臣

崇恩調赴軍營差遣委用之處恭候

聖裁

臣

愚昧之見是否有當謹附片具奏謹

奏

備陳防堵情形摺

咸豐四年七月二十日

奏爲備陳現辦防堵情形恭摺具奏仰祈

聖鑒事竊

臣

辦理團練謹於上年九月間將擬定章程

及實辦情形恭疏上陳奉

硃批另有旨欽此欽遵在案

臣

查東省團練城內關廂

由前任藩司劉源灝一手經理其歷城縣四鄉及長清

齊河兩縣各要隘地方係

臣與同奉

欽派辦理捐輸團練之編修

臣

李慶翱前任南河江運

同知

臣

彭以竺前任山西孟縣知縣

臣

李鴻疇經手辦

理嗣是賊竄天津東省爲接壤之區日日戒嚴

臣

等復

奏稿卷二

十四

親履鄉間督催各團長按照舊章實力舉辦不准稍涉

鬆懈雖屢奉

恩旨免其調遣而各守各界互相保衛亦自有步步爲

營之勢惟是承平日久民不知兵莫爲之前瞻氣易餒

遂就各團中擇其樸實健壯者陸續雇覓計六百餘名

按日給發口糧編入隊伍授之槍礮器械朝夕訓練教

以營陣擊刺之法預備前敵用以作民團之氣而壯其

志一切經費應由勸捐辦理今年二月南賊竄入東省

旋陷臨清州城風聲鶴唳警報迭聞爾時各處土匪駸

駸乎大有蠢動之漸臣等亟帶練勇出省防堵藉資鎮

壓因舊勇不敷分撥又添雇五百餘名卽在長清縣之  
大清河東岸南北兩處分立營盤迨賊踞高唐距省城  
僅百有餘里而大清河一帶實爲入省門戶遂又在齊  
河縣城西添立一營扼守西來要路並與舊營相爲犄  
角前經咨明撫臣恭疏奏報均在案<sub>臣</sub>等晝則訓練夜  
則巡緝雖盛暑炎蒸大雨傾注未敢一息少懈又日與  
厯城長清齊河三縣交界之數百村莊分期會哨聲勢  
極爲聯絡故雖逼近賊氛而土匪斂跡民情賴以安貼  
<sub>臣</sub>等惟當勉之又勉慎終如始以期無負

聖主委任之至意所有現辦防堵情形謹會同<sub>臣</sub>李慶

奏稿卷二

五

翱<sub>臣</sub>彭以竺<sub>臣</sub>李鴻疇合詞具奏伏乞

聖鑒謹

奏



勸辦捐輸及借款歸款片 咸豐四年七月二十日

再查現在

國用支絀軍需浩繁非實力勸捐不能給用雖山東省城著名瘠苦向無富紳大戶然竭力勸辦惟冀多捐一分卽受一分之益臣自上年三月到籍每於辦理聯莊之際隨處勸令捐輸並又宣布

皇仁曉以大義刊刻說帖知照府屬州縣及學官紳士等皆令轉相勸導輸誠奉公自行交納藩庫其由臣局勸辦者計銀三萬一千餘兩先是臣未到籍已由紳士等借領藩庫銀八千兩以爲團練之用臣到籍後因庫

奏稿卷二

去

款未可久懸曾經奏明由此項捐輸銀項內提出銀八千兩歸還借款又酌留銀八千兩以爲練勇置械之需其餘銀一萬五千餘兩飭令該捐生兌交藩庫作爲捐助軍餉經前任撫臣張亮基奏報請獎各在案本年三月賊竄臨清省城戒嚴經前撫臣及司道各官商令臣等帶勇出省扼守西來要路彼時臣局捐項存已無多所有勇衆口糧以及軍裝器械火葯鉛丸各等項待用孔亟遂備文由運庫借領銀八千兩暫應要需並聲明事竣後由臣等會同地方官勸捐歸款在案詎賊竄高唐盤踞又閱數月臣前因密探賊情親至高唐大營面

見撫<sub>臣</sub>崇恩悉心商酌通盤籌畫撫<sub>臣</sub>以逆衆狡猾蹤

跡靡定濟南爲會垣重地而大清河一帶係屬入省門

戶最爲要隘該處勇衆防堵喫緊未可因經費難籌遽

議裁減仍飭藩運兩庫暫行接濟統俟勸捐歸款是爲

兩全之策<sub>臣</sub>等核計三處營盤衆勇口糧以及防卡偵

探各等項每月需銀二千八百餘兩至於<sub>臣</sub>等薪水馬

乾均係自行捐備絲毫不用公項當此經費支絀之際

既不敢裁偏師而誤全局亦惟有核實用而汰虛糜一

俟大功告戡全境肅清仍當親赴各處竭力勸捐務使

輸將踊躍而後度支裕如也所有<sub>臣</sub>等勸辦捐輸及借

奏稿卷二

七

款歸款各緣由謹會同<sub>臣</sub>李慶翱<sub>臣</sub>彭以竺<sub>臣</sub>李鴻疇

合詞附片具奏伏乞

聖鑒謹

奏

特參帥臣玩寇糜帑摺

咸豐四年閏七月二十七日

奏爲帥臣玩寇糜帑縱兵害民籲懇

天恩密飭確查恭摺仰祈

聖鑒事竊查粵賊犯順以來始由湖湘漸及畿輔曾不數年蔓延九省

皇上出師命將發帑餉軍期於迅掃妖氛亟拯民命乃陷郡陷邑警報頻聞益餉益兵連章告急甚至一隅盤踞數月因循疆吏旣艱於持籌部臣亦窮於撥款我皇上躬行修省夙夜執競時復

密授機宜指陳方畧用威用勸至再至三

奏稿卷二

七

聖慮焦勞臣民共見爲帥臣者身膺重寄統領全師爲九重分憂勤爲萬姓捍災難爲

朝廷雪憤恨爲庫帑惜錙銖果其殫竭血誠獨操勝算何至擁兵自衛任賊披猖破數千窮寇而未能捐億萬生靈而不顧是豈運數使然哉抑以臣職之未修有以叢其咎耳卽如勝保以獲罪之員蒙

皇上棄瑕錄用宜如何感愧奮激亟圖報稱乃者協禦維揚進攻懷慶繞截正定轉戰靜海雖無盪寇之能頗竭追賊之力至於臨清之復賊由內開沿途截殺甚賴民團而其躡蹤南下不無微勞

皇上小善必錄立予褒賞使彼清夜有天自必愧汗無地乃竟志驕氣盈深自滿假則如高唐之老師坐困爲不可解焉臣謹以聞諸輿論者爲我

皇上陳之伏查逆賊由連鎮竄出迂道繞避德州捨命狂奔途間不暇休息初至高唐適知州魏文瀚先期四五日因經費不給遣散鄉勇一聞賊警自分萬無守理又鑒於臨清之陷傷亡太慘乃施婦人之仁洞開城門放民逃命賊得乘隙入城勝保由德州提兵直追若疾趨而進該逆疲憊之餘喘息未定正可聚而殲旃詎勝保於城北十五里外遽合紮營逗遛數日並未進攻致

奏稿卷二

九

令逆賊得以妥貼布置漸成負隅之形此失機之罪不可不查辦者一也逆賊初踞高唐僅止四百餘人合之裏脅之衆猶不滿千高唐州城蕞爾之區兵勇陸續調集數逾二萬賊縱凶頑以天兵二十餘人而殺一賊何憂不敵設早會集諸路四面環攻分班輪替晝夜迭擊使賊衆應接不暇則破竹之勢成矣詎勝保擁兵坐鎮獨斷獨行屢經撫臣崇恩催令進攻乃始則曰造雲梯矣繼則曰造呂公車矣迨梯與車均經造成而覺其不濟於用則又曰是必築礮臺修土濠而後可以制勝也詎知一臺甫築而一臺旋爲賊燬一濠初修而一濠又

爲賊平勝保莫可如何乃更下鑄礮之令且向四處徵  
鐵徵炭徵匠役紛紛誅求無已也百計支吾毫無把握  
此遷延之罪不可不查辦者二也勝保所領將士日久  
疲玩其各路新調兵勇尙有銳氣正可得力詎到營之  
後守候多日不令出隊迨出隊矣而或分撥數處以孤  
其勢小有挫敗不但不爲之接應甚至在遠處瞭望相  
與嬉笑謂本帥親兵如此驍勇尙未得手彼何能爲者  
若遇勝仗則譁然先奔以亂之發礮以駭之種種阻惑  
務使其功不成而後止或彼此迎敵正當交鋒喫緊之  
際勝保並不知照竟自撤隊先回以致每戰輒多傷亡

奏稿卷二

三

如濟甯單縣各義勇素稱驍勁比至高唐均皆失利弊  
由於此在勝保具有天良似不當忌功如是而其將弁  
兵勇肆意妄爲乃竟漫無鈐制此阻撓之罪不可不查  
辦者三也勝保所帶兵勇良莠不齊間有巨盜之漏網  
者投入營中作爲義勇因其黨羽就獲巧爲開脫乃獻  
以毒攻毒之計勝保聽之遂將東省繫禁待決之盜犯  
指名調取檄令各州縣脫其桎梏送至大營聽用此項  
盜犯解到後有脫逃者竟有投入賊營者勝保提兵數  
萬不能效用而乃藉助於罪囚徒貽笑柄此乖謬之罪  
不可不查辦者四也勝保營盤絕不肅靜甚或喧闐囂

叟如入五都之市其交易銀錢售買飯食者尙屬日用  
之所需其他茶坊酒肆賭局煙館無所不有以是藏垢  
納汙奸細得以錯處其中而無可稽查不惟本營舉動  
行止賊皆深悉卽逐日口令之更換賊亦通曉聞賊匪  
每於夜間潛出二三十人穿兵勇號衣口銜軍令蹲伏  
營中無人辨認比覺其爲賊而官弁兵勇之受傷者已  
不可勝數今日然明日復然勝保曾無術焉以預爲之  
防此疏失之罪不可不查辦者五也勝保所帶兵勇有  
通賊者六月間撫臣崇恩飭濟甯州知州黃良楷督率  
濟勇趁風雨之夕樹梯登城已躍上數人賊無知者忽

奏稿卷二

三

勝保營中礮聲大震賊衆驚覺執上城者斃之後遂無  
敢復登者先是臨清州城甚爲堅固關外士庶遷入城  
中者不下十餘萬衆三月初五日賊用地雷轟塌南門  
月城而守禦者倍嚴嗣勝保撥入川勇三百名協守卽  
有長髮者溷跡其中經都司武殿魁瞥見拔刀向砍因  
衆勇譁然引爲同伍而止其川勇之在城上者口操鄉  
音與城外賊答話見者駭然迨十五日夜城西南有地  
雷轟擊輒斃雖傷而土牆屹立未動少頃城內各處火  
起內外相應城遂失陷又勝保前在靜海外間傳言卽  
有川勇通賊之說其見於犯婦關趙氏之供者情節尤

厯厯如繪勝保身任主帥不能約束兵勇致令貓鼠同眠無怪經年勦賊而賊不滅也此昏聩之罪不可不查辦者六也勝保帶兵每捏報勝仗粉飾邀功而臨清之役鋪張尤甚初賊渡河而北止數千人竟沂曹捻匪起而應之勢始猖獗比踞臨清新舊疑猜互相吞噬三月二十一二十三等日城內槍礮如雷呼號震天至二十六日開城突竄城內屍具賊多於民其拋棄器械亡命奔逃者經各路民團截殺大半而四散潛伏乘間竄逸者亦復不少詎勝保奏捷謂已追殺罄盡直至黃河北岸全數撲滅並無一人偷渡是儼然以全功自任旋據

奏稿卷二

三

袁甲三奏劾李湘棻堵禦不力令逆賊紛紛渡黃復在黃河以南嘯聚湘棻治罪在案又署冠縣知縣拏獲偽丞相廖三才供從臨清竄出當將該逆解赴勝保軍營審辦詎勝保大加駁斥謂此股賊匪已無遺孽豈有偽官漏網之事竟將廖三才釋放後該逆復逃入賊穴旋被撫臣拏獲正法其餘如東平州單縣等處均有報獲之案被勝保格駁者尤不一而足是臨清逸賊不能全數勦滅具有明徵此欺罔之罪不可不查辦者七也勝保年少資輕又以微勞而膺重賞懼人不服往往故作威福又自臨清追賊而還氣燄更爲熏灼每對人言地

方文武統歸節制卽僧格林沁猶當居參贊之列何論其他而貝子德勒克色楞亦令帶刀進見又文職自知府以下武職自都統以下皆令跪接勝保意氣揚揚漫不爲禮其與共事諸臣任情呵斥隨意指揮絕無虛衷商榷之意以是大半不相協和卽所用將弁亦率多面從而心違玩寇無功弊正坐此此驕盈之罪不可不查辦者八也勝保妬功忌能於曲直是非任情顛倒惟將軍善祿善伺喜怒最爲勝保所袒護善祿在高唐帶兵數千止作壁上觀其兵以搶掠爲事所獲民間衣服牲畜玩物器具之類卽在營盤堆如山積公然售賣勝保

奏稿卷二

三

知之並不查禁曩者賊犯臨清善祿已先期二日由東昌退居臨清比聞賊至又倉皇拔營仍回東昌屢經前藩司崇恩催令入援延至初七日始在邊界紮營獨見勝保長跪泣請竟免參劾革撫張亮基長於戰畧又能得兵勇死力一到臨清連戰皆捷而墩臺黑家莊之戰夜擣賊營斬獲無算尤爲萬目所共覩勝保因傳諭亮基進見未至謂其不受節制有心輕己遂惡之適善祿之兵有在王家莊滋事者經亮基廉得其情斬之由是善祿怨望乃構釁於勝保謂亮基將列彈章不先發無以制人也勝保信之遂以捏報勝仗劾奏亮基褫職發



遣去之日兵勇數千伏地痛哭同時解散又逆賊前撲天津經知縣謝子澄率衆抵禦大挫凶鋒賊退靜海勝保惡其功出己上百計挫折之後檄令子澄出戰而不爲救援以至陣亡至今天津人猶有餘恨此偏私之罪不可不查辦者九也勝保喜諛惡直其所進退率以喜怒爲準天津道張起鵬先被參劾後夤緣拜爲師生遂得保薦又如侍衛蘊秀編修楊瀚東河候補知府馬文鐸河南知縣韓瑞東等聲名素本平常皆得寵信又南河候補知府尹紹烈品行卑污人所共知當逆賊由臨清南竄時該知府攜帶親眷由天津一帶繞出濟南託

奏稿卷二

五

名勸捐其實意在避賊其家丁等在外滋擾經民間捆縛送官有案是該知府並未隨同追賊千人皆見乃勝保竟以道員朦混請獎以致嘖有煩言此濫冒之罪不可不查辦者十也勝保營中散漫無紀兵勇在外掠人財物淫人婦女無所不至甚或執持器械結黨騎馬白晝闖入村莊紛紛攘奪遠近二三十里無得倖免有棉花張家莊者團練尙好兵勇因與格鬪不能肆其搶掠遂指爲賊莊妄行誣陷勝保不察虛實遽令將弁率領多人將該莊焚燒一空後聞撫臣欲行參辦乃歸咎川勇斬四人以謝厥後兵勇益無忌憚用兵勦賊所以衛

民乃使民間畏兵甚於畏賊此弛縱之罪不可不查辦者十之一也勝保自到高唐以來所差官弁兵勇執持令箭護照者相屬於道需索供億幾於日不暇給又因修礮臺挑土濠檄令各州縣撥派民夫每縣約四五百名不等該州縣朝夕比勒或以重價百方鳩集如數解赴大營比到後守候三日之久無人收管民夫等有潛逃者則又以解不如數嚴札切責檄令重行解補其他如解糧餉解軍裝解火藥車馬絡繹疲於奔命而此項車馬到營之後往往橫被兵勇扣留非飽其欲不能放還亦或有已經放行而又中途截回者官民交困苦累

奏稿卷二

三

難堪此騷擾之罪不可不查辦者十之二也以上各條臣謹就採訪所及畧陳梗概其實外間編造歌謠紛紛傳播之詞尙不止此大抵勝保勇於任事而闇於用人多欲少謀輕喜易怒而又剛愎忌刻爭勝於意氣之私一切駕馭操縱不能合宜致令將弁兵勇迄不用命刻下智勇俱困惟望逆賊他竄從後尾追以倖成萬一之功詎日復一日月復一月不惟高唐諸營糧餉漸有匱乏之虞卽附近各要隘防堵兵勇撤之則藩籬不固留之則經費難籌亦莫不岌岌乎有坐困之勢逆衆爲數無多所踞又係彈丸之地釜底游魂終無不殲滅之理

然以小股零匪至於老師糜餉如此其極甚屬不值探  
知連鎮賊匪雖多而諸臣辦理頗爲得手此股諒無足  
慮第恐南賊覬覦生心鉅而走險以相應援不可不防  
山東爲京畿屏障必應及早肅清方無意外之虞聞撫  
臣崇恩跋前疐後焦灼憂憤往往寢饋俱廢其與勝保  
朝夕共事顧惜大局未遽指參自是情理之常臣職任  
言官專司糾察分應及早彈劾所以遲之又久而後言  
者區區愚誠深慮

皇上以簡用乏人倍切憂勞於

宵旰且聞勝保素尙驍勇冀其尙有幾希之存晚節末

奏稿卷二

五

路未必不可以蓋贖前愆孰意曠日持久玩愒如故屢  
經

皇上嚴旨飭催勝保不知愧懼或時有怨懟之詞臣誠  
不知其是何肺腑也爲此不避嫌怨臚款上

聞伏乞

聖主奮雷霆之震厲濟雨露之

深恩飭下部院大臣議勝保以應得之罪抑或責令立

功自贖要使在事諸臣羣然知所做惕用以合志齊心  
殲茲醜類然後以全勝之師北埽連鎮南平吳楚庶幾

海宇蒼生重享

昇平之福矣微臣 禱昧無識目擊時艱憂心如焚用敢  
披肝瀝膽冒瀆直陳是否有當伏乞

聖鑒謹

奏

奏稿卷二

七

陞任安徽臬司謝

恩擢

咸豐十年六月二十六日

奏爲恭謝

天恩籲請

陛見事竊

臣

於咸豐十年六月二十三日接奉撫

臣胡

林翼行知准吏部咨開咸豐十年五月二十日內閣奉

上諭安徽按察使著毛鴻賓補授欽此伏念

臣

山左菲

材由道光十八年進士改庶吉士授職編修歷充

國史館總纂

文淵閣校理癸卯科分校順天鄉闈丁未科分校會闈

改江南道御史協理京畿道御史京察一等擢禮科給

事中洊歷兵科給事中禮科掌印給事中巡視西城南

云

城咸豐三年奉

命回籍辦理團練事宜六年奉

旨補授湖北安襄鄖荆道九年蒙

恩賞戴花翎方愧鶩駘自策莫酬

禱載之

恩豈期犬馬無能遽荷

擢遷之

寵聞

命之下感悚難名竊思皖省爲水陸衝區臬司乃刑名

總匯現值逆氛未靖滿目瘡痍除暴安良事繁責重臣  
才疏識淺深懼弗克勝任惟有籲懇

聖恩准臣入京瞻仰

天顏親承

訓示敬謹遵循庶免隕越臣於拜摺後俟督撫臣將安

襄鄖荆道印務委員接署後卽交卸起程迎摺北上所  
有微臣感激下忱謹繕摺恭謝

天恩伏乞

皇上聖鑒謹

奏

奏稿卷二

无

陞任江蘇藩司謝

恩摺

咸豐十年十月二十六日

奏爲恭謝

天恩籲請

陛見事竊

臣

奉湖北撫

臣

胡林翼行知接准兩江督

臣

曾國藩咨開准兵部遞到咸豐十年九月二十日內閣

奉

上諭江蘇布政使著毛鴻賓補授未到任以前著薛煥

派員署理欽此

臣聞

命之下感悚交深伏念

臣

齊魯下士識淺才疏本年五

月間由安襄鄖荆道恭承

龍命擢授安徽臬司謹卽具摺請

奏稿卷二

三

觀於七月二十二日奉到

硃批著毋庸來見欽此正擬束裝赴皖適奉撫

臣

胡林

翼諭飭以督辦樊鎮河口兩處捐修礮卡城濠要工應

一手經理完竣再赴新任茲甫經四月未效寸長復蒙

聖恩簡畀藩司重任

鴻慈疊被非夢想所敢期駕鈍滋慚豈捐糜之能報竊

思蘇省政煩賦重資治孔殷藩司宣化承流責任綦重

目前逆匪肆虐民不聊生淪陷之區何以急圖克復完

全之地何以併力保障軍餉何以不匱於度支漕糧何

以不匱於度支漕糧何

以無誤於輸納一切整綱飭紀捍患禦災在在均關緊  
要臣知識樛昧深懼弗克勝任惟有顛懇

恩施准臣入覲

天顏親承

訓誨獲有遵循庶無隕越刻下襄郡工程不日即可蒧  
事臣當兼程迎摺北上所有微臣感激下忱謹繕摺恭

謝

天恩伏乞

皇上聖鑒謹

奏

奏稿卷二

三



